

# साखी

(शैताना राम प्रगट ननेऊ कियो बैकुण्डा वास)

शैताना राम जिला जोधपुर ननेऊ गाँव, कियो बैकुण्डा वास ।  
झुझ पड़्या शिकारियों से, शैतानाराम जुग में लियो जसवास ।  
तांतू जी रै गाँव ननेऊ रा मानवी, प्रगट ननेऊ किया निवास ।  
जिण खेत्तर में बिश्नोई बसै, सही जै हिरणा तणों निवास ॥1॥

माया अरू घरबार सुहावणा, रूँख रहिया घर छाय ।  
जीवां नै सुरक्षित राखियो, देष फलोदी रै माँय ।  
राखै बिश्नोई वन्य प्राणियाँ, बे चालै गुरु की राह ।  
गुरु जम्भेश्वर रखावै तो रहे, आसान बलि की राह ॥2॥

जहाँ दीठा तहां रक्षा करी, शैताना राम जीव बचावण हार ।  
वन्य प्राणी गुरु खेजड़ी, देवी-देवता अरू तुलसी सा ततसार ।  
ननेऊ रा भादु अर्जून रा बेटा, दे दी बलि बही खून की धार ।  
नाम अमर म्हारो कर दिन्हों, शैतान तज हिरणा तणों संसार ॥3॥

रैण नैं ननेऊ गाँव जिला जोधपुर मां, षिकारियां तणी औलाद ।  
पापी षिकारी गुरु मानै नहीं, जा वन्य जीवां नै मारै कर वाद ।  
बिश्नोई धर्म रा पक्का रहै, सब जा नहावै जम्भोलाव तालाब ।  
सब मिल चालै गुरु फरमाई, दूर छोड़ थौथा वाद-विवाद ॥4॥

शैताना राम देश फलोदी गाँव ननेऊ, कलियुग बलि कहावियो ।  
तज हिरणा तणों शरीर, अर्जून लाल अमर शहीद कहावियो ।  
बिश्नोई ननेऊ रा मानवी, वन्य प्राणी नै बचावण आवियो ।  
साख बिश्नोई भादु री बधाय, जग में नाँव अमर करावियो ॥5॥

कर प्रेम वन्य प्राणी सँ, देष में बड़ भागी बिश्नोई धीर जै ।  
दीन धर्म-नियम सुरक्षित राखियो, परमार्थ में गम्भीर जै ।  
नाम विष्णु अमृत पाहळ, ना होवै मुश्किल में अधीर जै ।  
गुरु जम्भेश्वर रा नियम मानै, अहिंसा राखै सूरवीर जै ॥6॥

पग पग जीव रक्षा करी, बलि होवै ले विष्णु रा शरणा ।  
जद पूगा बिश्नोई जवान, शैतानाराम हिरण बचावै घणा ।  
जद आवै अर्जून रा लाल, सारे दुष्ट शिकारी थरहरणा ।  
जग में पुण्य बहुत कमाय, तद बिश्नोई री देह धरणा ॥7॥

आधी रैण गाँव ननेऊ रा शैताना राम, थारी साख रहे संसार जै ।  
गुरु जम्भेश्वर सीख मानै घणी, जो होवै सीधा भव जल पार जै ।  
बिश्नोई धर्म रा पक्का रह्या, करै हिरणा नै बच्चों जिसा प्यार जै ।  
सुकरत करता स्वर्ग जावै, ऐ 'पृथ्वीसिंह' सुणावै विचार जै ॥8॥

**पृथ्वीसिंह बैनीवाल बिश्नोई,**

संस्थापक सदस्य, जाम्भाणी साहित्य अकादमी, बीकानेर तथा संयुक्त सचिव एवं प्रैस प्रभारी,

श्री बिश्नोई सभा, पंचकूला, सैक्टर-15, पंचकूला-134113 (हरियाणा)-094676.94029